

盡業已出城退至渭南。第二電則云敵既戰勝復行追襲。陳督又由渭南退至潼關。急盼中央速派大兵援助以安陝局云。

○香港賽馬場大火之慘劇

二十六日英使署香港電云。賽馬場頃遭慘厄。華人之觀壇全行坍塌。踏死數百人。且因登時起火。焚斃者復有數百人。目下火仍未熄。有兵士在場助救。觀壇以竹建成。上蓋蘆葦火勢甚熾。半小時內全成灰燼。故施救非常危難。現已由餘燼中檢出焦爛之屍多具。西人觀壇已改為醫院。俾就近療傷。其肇禍原因傳說不一。或謂乃匪徒故意驚亂衆人。以圖搶劫。所致。民立醫院收容二十七八人。已死二十八人。皇室海軍醫院收容十二人。已死一人。東華醫院收容十一人。匯豐銀行之收賬員二人。不知下落。由餘燼中檢出之屍已有二百具。尚有若干。今尚未悉。

○瞬息千變之南北軍報

▲安徽形勢益形危急。濟南電云。施從濱在九江所率之山東軍隊。為馮玉祥軍所迫。形勢危急。要請速派援軍來滯。張督軍不勝焦慮。將令一混成旅南下。又因安徽省形勢危急。將第二路司令部移進徐州。自昨日開始輸送。張督軍擬於今晚(二十五日)趕赴徐州。暫持觀望之態度。(二十五日)

▲南北兩軍尚在協商。漢口電云。王督軍對訪客言。岳州總攻擊準備既完。惟欲勉強取和平手段起見。現與曹張等協議一切云云。但一般內外人觀測者。謂主戰派如張曹等南下後。既經半月。迄今未開始攻擊岳州。由此觀之。南北兩軍妥協協議業已進行云云。(二十六日)

▲程璧光遇刺後之廣東。二十八日廣東電云。據此間一般人士推測。謂暗殺程璧光之兇手。係龍濟光一派所密派者。當程璧光被刺之消息。一經傳播。後孫中山莫榮新兩人。即赴程宅以表弔意。此間一般人士對於程氏之死。於

非命。皆深表悼惜之意。自程璧光被刺後。海軍即由林葆懌總司令統率。而宣告獨立將努力進行。以貫徹當初之目的。似不至因程之遇害而有所動搖。▲攻岳軍已開始總攻。四日漢口電云。張敬堯於一日由武岳鐵道赴職。於二日下午率在蒲圻縣羊樓子方面之第七師第十三旅及騎砲工兵約五營。與在嘉魚縣方面之直隸第三混成旅。開始總攻。擊南軍雖猛烈抵抗。但至薄暮砲火漸衰。卒退去約二十華里。

▲馮玉祥之自白與總統之勸慰。自馮玉祥駐紮武穴。通電主和後。各方面迭有要電至京。有謂馮旅長抗命中央。意圖附南者。有謂倡言獨立。擅提稅款。呈請申討者。然據某方面所得馮玉祥旅長昨自武穴拍來密電。則云。奉院養電無任悚惶。責詢派兵強提稅款。並無其事。玉祥所部軍隊。既係直轄中央。如有需用款項之時。自可電請中央撥付。即有須通緩急之處。亦當直接與鄂督磋商。焉有擅行勒索之理。伏乞澈究。以明心跡。外間所傳蜚語。俱屬捕風捉影之言。萬勿輕信。玉祥現駐武穴。仍督率軍隊照常操練。保衛商民。無犯秋毫。嗣後擬每日電達鈞座。以免時有隔閡。謹述情形。以慰屢注云云。

頃據某方面所傳消息。稱馮河間於馮玉祥就職命令發表後。曾以私人名義發出密電二道。一致贛督陳光遠。蘇督李純。稱中央對於馮玉祥發表免職命令。實具有不得已之苦衷。恐馮因此誤會。務請轉為勸告等語。一致馮玉祥亦復勸慰備至。囑其勿因此有所介介。並屬即日來京。別有委托云云。

○千鈞一髮之國防警信

▲德勢東漸之防禦。二十五日東京電云。此間大眾今注意保衛遠東和平。以防德國勢力。由西北利亞侵及遠東。且有慮及德國潛艇與飛機。不久將由海參崴活動者。故衆意日本今急宜設法防杜。至其第一步。要在阻止遠東俄國鐵路落於敵手云。聞西北利亞有德與俘兵二十萬人。均經釋出。給以軍械。